



'Pratende' boek gaan siekes help

Bl. 10

SAKE-RAPPORT, 15 MEI 2005



Ms. Zane Wilson, uitvoerende direkteur van die Suid-Afrikaanse Depressie- en Angsgroep met die "pratende" boek.

'Pratende' boek gaan siekes help

JOHANN VAN TONDER

'n Kleinsake-onderneming in Suid-Afrika bestaande uit vyf vroue het vir 'n wêrelderste georg deur "pratende" boeke te ontwikkel met die doel om mense met spesifieke siektetoestande te bemagtig in die hantering en behandeling daarvan.

Hoewel die eerste boeke spesifiek gerig is op ongeletterde mense in die gesondheidssektor, is die moontlikhede van die konsep legio, sê ms. Elizabeth Hay, direkteur van Books of Hope.

Sy sê behoeftes- "pratende" boeke in verskeie tale kan byvoorbeeld ontwikkel word vir mediese skemas wat hulle in staat kan stel om hul karte af te bestuur.

Net so kan "pratende" boeke ontwikkel word vir enige opvoedingsrigting waarvoor daar 'n behoefte is.

Books of Hope is 'n inisiatief van die Suid-Afrikaanse Depressie- en Angsgroep (Sodag), wat reeds verskeie toekennings, soos die World Bank Marketplace-toekening in 2003, verwor het.

Hay sê die Books of Hope-inisiatief is 'n groot deurbraak om impakvolle gesondheidsintervensies in 'n gebruikersvriendelike en maklike-verstaanbare formaat aan te bied.

Elk van die sesien bladsye van el-

ke "pratende" boek is met kultureel gepaste illustrasies gevul. En dan is die boek met 'n klankbaan toegerus te hoor wat op die bladsy geskryf is.

Op elke bladsy verskyn spesifieke prentjies en deur die ooreenstemmende prentjie op die klankbaan te druk, hoor die persoon die teks wat ook deur die illustrasies verduidelik word. 'n Persoon hoef dus nie geletterd te wees om baat te vind uit die boeke nie.

Hay sê "pratende" boeke kan ook geletterde persone help. Navorsing toon 10% van die inligting wat gelees word, 30% van wat gehoor word en 30% van wat gesien word, word deur die leser onthou. Die "pratende" boeke stimuleer drie sinne en die inligting word makliker onthou. En die wat nie wil lees nie, kan bloot luister na wat in die boek geskryf is.

Die eerste "pratende" boek spruit uit 'n versoek van Transnet Foundation en is gerig op kinders en diensers wat aan depressie ly. Die tweede boek, wat deur die Limpopo-regering versprei word, fokus op mense wat ly aan HIV/vigs.

Nog 'n voordeel van die boeke is dat dit van goeie gehalte is. Gebruikers kan dit aan ander gee nadat hulle daarmee klaar is. Hay sê daar word verwag dat elke boek minstens tien mense kan bereik.